

Tã îgĩ-îgĩ drĩ-káká Póólõ kã Tĩmátĩyã drĩ 1 Tĩmátĩyã

Tã 'ẽ'á zĩlã nĩlĩ sísĩ rĩ

Tĩmátĩyã rĩ'á krístõ 'bá gólã â'dó 'bá drẽ ägõ änjĩ ró rĩ 'bá lâmúlĩ Póólõ bê lâmû-ãziyã ró rĩ ã'dĩ. Póólõ rĩ'á õzõ gólã rĩ átã kãtĩ, gólã rĩ ãmbã-ãmbã 'bãlẽ ätĩ 'alã tã lãlẽ gólãkã Yésũ 'á rĩ sĩ. Póólõ rĩ Tĩmátĩyã rĩ jõlẽ nĩ'á fãfã sõlẽ krístõ 'bá gólĩyĩ ó'dĩ ró võ äzã 'bã yĩ 'ásĩ rĩ 'bã yĩ rú. Gõ'dã tã 'dĩ tãsĩ rĩ, Póólõ drĩ drĩ-mbĩlĩ sõzõ gólã lâfĩ tã ãmbã 'bã gólĩyĩ õnjõ kã 'dĩ 'bã yĩ tãsĩ. Gõ'dã Póólõ drĩ kpã lâtĩ rĩzõ tã lã 'bã ó'dĩ 'dĩ 'bã yĩ êdélẽ sírú-sírú rĩ â'dázõ gólã drĩ, lâtĩ rĩzõ drĩ-'bã tãndĩ nĩlĩ kãñísã võ 'ásĩ ngĩngĩ rĩ 'bã yĩ drĩ rĩ gõ'dã kpã lâtĩ â'dózõ rũ ã'bũ 'bã tãndĩ Yésũ kã ró rĩ.

Gõ'dã wãrãgã rĩ lâ ró Tĩmátĩyã drĩ 'dĩ rĩ iyĩkã gõ'dã änyĩ 'ëlẽ Póólõ rĩ fũlĩ rĩ 'á. Gólã lã fãfã sõlẽ Tĩmátĩyã 'á, gólã õnĩ ró zãã bãdĩ ätĩ 'alã õzõ äjú 'bũ 'bã kãtĩ, drĩ-ãcê Yésũ kã zëlẽ, gõ'dã gólã drĩ rĩlĩ tĩtĩ ró õzõ ä'dõ lâñõ 'ĩ rĩ. Gõ'dã gólã drĩ rĩlĩ zãã tã ätĩ-ãtĩ Ôvãrí kã pëlẽ. Gõ'dã gólã drĩ kpã 'bãlẽ iyĩ vó ndrẽndrẽ bê tã ãmbã 'bã gólĩyĩ õnjõ kã rĩ 'bã yĩ drĩgã sĩ. Gõ'dã kpã gólã drĩ rãlẽ volẽ tã õnjĩ gólĩyĩ rĩ 'bã ägõ änjĩ rũlĩ rĩ 'bã yĩ 'ásĩ.

¹ Mã Póólõ, tĩbê 'bãlẽ lâjõ'bã Yésũ Krístõ kã ró tã Ôvãrí ämã pã 'bã ró rĩ kã rĩ sĩ gõ'dã kpã tã

Yésū Krístō, gólâ ãmâ drí rīzō līfī 'bālē drī lâ rī sī.

² Má îgī wárāgã nô ní drí, Tīmátīyã. Nî rī'á òzō ãmâ mvá ífífí kâtí, tãlã ní lē tã trá Yésū Krístō 'á. Ôvãrí tībè ãmâ átã ró gō'dã Kúmú ãmákã Yésū Krístō bê, gólīyī 'ã ãâ'dī ní rú, òfē òrē ní drí tã ã'dí bê.

Tã òjílã gólīyī rī 'bã tã ányã ìmbálé rī 'bã yī tãsí rī

³ Má 'bã tã nô ní drí ngbãângbãnō, òzō má drí tã 'bãrē ní drí ãtú gólâ má drí 'èzō nílí Mèkèdónīyã 'álã rī tí. Ní rī ánikã ãkpã Èfèsō 'á tólã, tãlã ní 'bã ró tã òjílã ãzã 'bã yī drí, gólīyī ãâyê ró tã ìmbã-ìmbã ányã 'dī vólé.

⁴ Gō'dã gólīyī ãâyê ró kpá tì òcízó 'ídígówá gólīyī tã ífí ãkó rī 'bã yī tãsí rī, gō'dã kpá tã gólīyī drí òjílã lãfálé cãzó â'dô ìyī ã'bìyã yī rú vó ró rī. Òjílã òtírī rī tã 'dī 'bã yī â'dálé gólīyī drí rī, gólīyī rī ìyíngã gō'dã lâwãlé ì'dí. Tã 'dī 'bã yī ìcã kô òjílã pãlè ãlôwãlã, lãtì gólâ òjílã pã 'bã rī, â'dô tã lèlè Yésū 'á rī ì'dí.

⁵ Tã ífí má drí tã 'dī átàzó 'dī, tãlã krístō 'bã yī ndrī òlè ró ìyī ázì-ázì bê pīpīsílí ãlô sī, tãlã gólīyī rī tã ònjí ãkó tã ìsū gólīyíkã 'á, gō'dã kpá tãlã gólīyī lè tã trá Yésū 'á pīpīsílí ãlô sī.

⁶⁻⁷ Òjílã ãzã 'bã yī ãvī lãtì gólâ â'dó 'bã mbì rī trá. Gō'dã gólīyī lè bê kpálé tã 'bã'bã Ôvãrí kã ìmbálé rī, gólīyī rī cé tã ífí ãkó rī ì'bīlì ì'dí, tãlã gólīyī nñì tã ífí úlì ìyī ífífí kã rī 'á kô, gō'dã gólīyī nñì tã mbì drílīyī rī'á átàlã tã nñnì lâ sī rī kô.

⁸ Mā nĩ trá tã 'bã'bã Músã kã rĩ'á tãndí ró tã â'dázó òjílã drí 'èlé, òzò òjílã ò'è tã lâ òzò lẹ̀tí gólã tã lâ 'bãzó rĩ tí rĩ.

⁹ Tã 'bã'bã 'dĩ ó'bãá kô tã kízó òjílã gólíyĩ rĩ 'bá tã mbì 'èlé ì'dĩ rĩ 'bá yĩ rú. Bê-rĩ ó'bã tã kízó òjílã gólíyĩ tã Ôvãrí kã gã 'bá dó rĩ rú. 'Dĩ 'bá yĩ rĩ'á òjílã gólíyĩ rĩ 'bá tã ònjí 'èlé rĩ 'bá yĩ ì'dĩ, òzò òjílã gólíyĩ rĩ 'bá òjílã àzì fùlì rĩ yĩ, àzã 'bá yĩ ìcá 'bá cú ândrê lâ yĩ fùlì ngátá átá lâ yĩ fùlì rĩ yĩ tí,

¹⁰ òjílã gólíyĩ rĩ 'bá àyílì òjílã 'bã 'bá ágó lâ ró ngátá òkó lâ ró kô rĩ 'bá yĩ bè rĩ yĩ, ngátá àyílì àgò àzì bè gò'dá kpá 'dīyímvá bè rĩ yĩ, òjílã gólíyĩ rĩ 'bá òjílã àzì ùgùlì gílí rãgĩ ró rĩ yĩ, òjílã gólíyĩ rĩ 'bá ònjò âdólé ì'dĩ rōô rīzò tã 'bãlè 'èlé lãtrí sī, gò'dá 'é tã lâ 'dĩ kô rĩ yĩ tí,

¹¹ gò'dá kpá ìtí òjílã gólíyĩ volé gã 'bá trá dó tã má drí ìmbálé trá gólíyĩ drí Yésù rĩ tãsí gólã Ôvãrí àmbá àmákã rĩ drí tã lâ âtalé trá má drí pèlé gólíyĩ drí rĩ àrílì rĩ yĩ bè.

Tã Póòlò drí àwô-ìtí 'èzó Yésù drí gólã rĩ zĩzĩ tãsí rĩ

¹² Àmákã rĩ, má 'è àwô-ìtí Kúmú àmákã Yésù Krístò drí, tãlã gólã àfè fãfã nĩ má drí lósì 'dĩ 'èzó. Má 'è àwô-ìtí gólã drí, tãlã gólã ìsù tã nĩ kī, má à'dò ìcá'á cú lósì lãnjà iyíkã 'dĩ 'èlé. Tã 'dĩ kã rĩ tí rĩ, gólã drí àmã zīzò â'dólé iyī līfī ró rū ì'būlì yī drí.

¹³ Yésù nĩ trá kī nĩ rĩ, àkù ró rĩ, má rĩ trá tã ònjí âtalé yĩ rú, gò'dá kpá rĩ'á gólã rĩ málé. Má rĩ trá òjílã gólãkã ìzálé. Gò'dá má 'èlé bè tã ònjí 'dĩ kpálé gólã drí rĩ, gólã rĩ 'à à'dì trá má rú, tãlã má 'è tã 'dĩ 'bá yĩ ndrĩ 'dó tã nĩ àkò sī, má nūlì lẹ̀tí

mb̃i â'dô-â'dô kâ kô, gô'dá má lěé bē tā gólâ 'á drě kô rî.

¹⁴ Ngbãangbânõ rî, Kúmú ãmákâ â'dâ ngá lělē trá má drí gãrã. Ítí rî, má lě tā trá Yésũ Kristõ 'á, gô'dá má lě gólâ trá rõõ.

¹⁵ Ní ndrê drě, tā âtâ-âtâ túbê õjílâ drí â'dózó mb̃i tā lělé 'á lâ rî î'dî nõ, “Yésũ Kristõ rî gógó úti ãngó 'á nõ tā õnjí 'bá pãlé.” Gô'dá mâ rî gógó, má ndrê ámâ ífífí bē rî, mâ rĩ'á tā õnjí 'bá 'î gãrã tā õnjí 'bá ãzí dr̃ĩ s̃i.

¹⁶ Ōzõ má drí â'dórê trá kpálé tā õnjí 'bá 'î 'dî tí rî, Yésũ rî gógó âyê tā õnjí ãmákâ trá ndrĩ. Gólâ 'è 'dî ítí, â'dô ró bē p̃ip̃isilí ă'dí gólâkâ â'dalé õjílâ drí. P̃ip̃isilí ă'dí gólâkâ mâ túbê tā õnjí 'bá ró gãrã rî drí rî tãsi rî, tā Yésũ drí ãmâ pãzó rî â'dô 'bã'á tā â'dâ-â'dâ ró õjílâ gólĩyî tā lě 'bá gólâ 'á ătĩ 'á tólâ rĩzó gbádú zãâ rî yî drí.

¹⁷ Mã ãnjĩ Kúmú Yésũ zãâ gbádú ădũkũ ãkó. Mã luyî gólâ rî rú zãâ gbádú ădũkũ ãkó. Kũmũ gólâkâ â'dô â'dó'á zãâ gbádú ădũkũ ãkó. Ōdrã fú gólâ kô ãlõwálâ. Gô'dá ícá kô gólâ rî ndrêlé lĩfĩ s̃i. Gólâ cé ĩ'dî Ôvãrí pãtĩ-pãtĩ 'î. ãâ'dô ítí.

Tã drĩ-ãcê Póólõ drí fělé Tĩmátĩyã drí rĩ tãsi

¹⁸ Ámâ mvá Tĩmátĩyã, má 'bã tā trá ní drí â'dózó ăjú 'bũ 'bá tãndí Yésũ Kristõ kâ ró. Má 'è trá ítí, tãlâ úlĩ gólâ Ôvãrí drí âtalé õjílâ ãzã tĩ lâ s̃i ăkũ ró ânĩ tãsi nã rĩ tãsi. Úlĩ âtalé ânĩ tãsi rĩ ããgã ní dr̃ĩ.

¹⁹ Ní rĩ tā lělē s̃i Ôvãrí 'á gô'dá ní rĩ tā mb̃i 'ělé ĩ'dî. Ōjílâ ãzã 'bá yî gã ĩyĩ trá dó tā ãmbã-ãmbã

gólâ mbî rî lélé. Tã ìmbâ-ìmbâ tãndí 'dĩ vò lâ 'á rî, gólīyī lē ìyīngá gō'dá tã ìmbâ ányâ ĩ'dĩ.

²⁰ Ægô gólīyī rī Hēmīnāsī yī Ālĕkēzándā bê lē ìyīngá tã ìmbâ-ìmbâ ányâ ĩ'dĩ. Ngbāangbânō rī, má âyē gólīyī trá Sātánā drīgá, gólīyī ũñĩ ró bê kī nĩ rī, yī ìmbâ gō'dá tã ìmbâ-ìmbâ ányâ Yésū tāsī rī kô.

2

¹ Má 'bã tã ạngí nō ní drí. Âmâ krístō 'bá ró rī yī, mã ìjī Ôvârí ngá gólâ ícá 'bá âmâ drí ndrī rī áfĕlĕ âmâ drí. Mã 'ê kpá ãwô-ĩtí tã gólâ Ôvârí drí 'ĕlĕ âmâ drí rī tāsī. Mã 'ê rātãã Ôvârí rī ìjílí ngá ãzâ 'bá yī tāsī òjílã ãzâ 'bá yī drí.

² Mã 'ê rātãã kúmú ạngí ạngí rī 'bá yī tāsī, gō'dá kpá òjílã ndrī â'dó 'bá ìyī lătị gólâ tã gólâ 'dĕ 'bá vŭdrị kô kâ 'á rī tāsī, tãlã mã rī ró bê ã'dị ró lãgō ãkó, gō'dá âmâ rī gógó drí rızó zãã tã â'dó 'bá mbî rī 'ĕlĕ ĩ'dĩ.

³ 'Dĩ yī tã gólīyī â'dó 'bá tãndí ró âmâ drí 'ĕlĕ rī yī ĩ'dĩ. Drīlīyī Ôvârí gólâ âmâ pã 'bá rī 'bãzó â'dólĕ ãyĩkô ró.

⁴ Ôvârí ĩ'dĩ lē 'bá òjílã pãlĕ ndrī. Gólâ lē kpá âmâ drí ndrī tã ìmbâ gólâ â'dó 'bá mbî rī nĭlị ĩ'dĩ gō'dá kpá 'ĕlã. Tã ìmbâ 'dĩ drí â'dózó nőtí.

⁵ Ôvârí gólâ pătị rí ró rī rĩ'á cé ãlô òjílã drí ãngó 'á nōngá ndrī. Gō'dá kpá òjílã rĩ'á cé ãlô tã ĕdĕ 'bá ró âmâ lãfálĕ Ôvârí bê rī 'á, gólâ rĩ'á Yésū Krístō ĩ'dĩ.

⁶ Gólâ drã trá âmâ òjílã ndrī rī drí, drị tĩ 'bá ró. Ítí rī, kậyị ícá 'bá rī 'á rī, Yésū â'dã tã trá òdrã gólâkã rī sĩ kĩ, Ôvârí lē òjílã pãlĕ ndrī.

7 À'dô bê ìtí rî, ì'dî gólâ drí áamá zîzó â'dolé lājó'bán ró tã âtî-âtî Yésũ rî tãsí rî pélé gō'dá tã lēlē pātī ìmbálé 'bășúrú āngó nō kã 'ásī ndrī. Má ádó ònjō 'î kô, má rî tã pātī-pātī âtalé ì'dî.

8 Gō'dá òzō nī òtírī rû ê'bé rãtãã 'élé Ôvârí drí rî, nī 'ê rãtãã gólâ drí tã ònjí lậpị-lậpị ákó ãnī pịpịsịlị 'á, gō'dá kpá òmbã ákó òjílã ázã bê, gō'dá kpá tã ìsũ gólâ lãwã-lãwã òjílã ázã bê rî kã ákó.

9 Gō'dá ã'dô tã òkó kã rî tãsí rî, má lēē òkó drí rīlì ítã gólìyì 'bã 'bã āgô drí lēzó àyìlì gólìyì bê rî sôlé kô. Gólìyì òrì cé rī'á ìyì êdéle ì'dî sũzó kô, â'dó rīzó drī 'dīlì dáábô sôzó 'á lâ, ngãtã bí 'á, ngãtã òmbê 'á yã rî kô.

10 Tã 'dî vō lâ 'á rî, gólìyì ò'ê tã ìyì drí 'bãzó sũsũ ró rî ì'dî, â'dô tã 'ê'ê mbì rî sī. Gólìyì ò'ê tã tãndì ì'dî, òzō òkó gólìyì rī 'bã pātī-pātī Ôvârí rî ìnjìlì rî kátì.

11 Gō'dá òkó ìlì tã kpá rīzó íyì ífífí 'bãlé rīzó mãnísì ró òjílã gólâ 'bã 'bã mbârãkã bê gólìyì drīlì rî drí.

12 Má lēē òkó drí rīzó āgô lịfị ícìlì tã Ôvârí kã 'á kô, ngãtã 'bãzó ãmbã ró āgô drīlì yã rî kô. 'Dīlì vō lâ 'á rî, má lē òkó drí rīlì títì ró.

13 Tãlã Ôvârí êdéle Ádãmã sịsị, gō'dá 'dīlì vósì rî, drílã gōzó Áwã rî êdéle Ádãmã drí òkó ró.

14 Gō'dá nĩngã sị rî, Ádãmã â'dó kpá ì'dî sịsị Sătãnã drí ádolé rî kô, Sătãnã âdô òkó ì'dî. Tã 'dì kã rî tí rî, òkó 'ê tã ònjí trá tã 'bã'bã Ôvârí kã rú.

15 Ôzō ã'dô kpálé ìtí rî, Ôvârí pã òjílã trá ndrī mvã gólâ òkó ázã drí tìlì rî sī. Ítí rî, òkó rî 'bã

yī ōrī tā lēlē sī Ôvârí 'á. Gólīyī ōrī ōjílā lôvó bê. Gólīyī ōrī tā gólâ Ôvârí rī cī 'bá rī 'élé ĩ'dī zââ bǎđī.

3

Tā drī-'bá ōjílā Ôvârí kâ rī kâ tāsī

¹ Tā drī-'bá ōjílā Ôvârí kâ rī kâ tāsī rī, tā âtâ-âtâ âzâ rī'á nōtī tībê tā lēzó 'á lâ pǎtī ró rī kī nī rī, ōzō ōjílā âzâ ôcê rû trá 'ēzó 'bālê drī-'bá ōjílā Ôvârí kâ rī kâ ró rī, gō'dá lē lôsī tândí 'élé ĩ'dī.

² Ōjílā gólâ â'dô 'bá drī-'bá ōjílā Ôvârí kâ rī kâ ró drī rīlī cú ĩtī tā ányâ âzâ 'ē ákó, tǎlá ōjílā âzâ ōzō tā ōnjí âzâ úsú gólâ ngá lésī kô. Gólâ ōrī rīrī â'dô 'ē'á 'bālê nōtī, ââ'dô cé ôkó bê âlô. Gólâ ââ'dô tā trô 'bá ró lôvó rú'bá kâ drīgá sī. Gólâ ōrī mǎnīsī, gólâ ââ'dô ĩnjī-ĩnjī ró, â'dô rīrī gólâkâ rī 'ásī. Gólâ ââ'dô ōjílâ gólâ ũmú ró yī drī 'bâ 'á rī lôvó lâ 'bâ 'bá ró. Gólâ ââ'dô ícá'á cú tā ĩmbálê dódó âzī-âzī drī.

³ Gō'dá gólâ ââ'dô ōdrá mvũ 'bá ró rī'á gólâ rī cīlī kô. Gólâ ââ'dô 'alé âdrā 'bá ró rī'á rû fūlī kô. Gō'dá gólâ ââ'dô 'dōnyá-âzī drī tũ ró, gólâ ōrī lâwǎlé kpá kô. Gólâ ââ'dô ārō-ārō 'bá 'í lâfâ tāsī kô.

⁴ 'Dīlī rī 'ásī ndrī rī, gólâ ââ'dô íyíkâ njââ íyī ôkó rī ícīlī dódó lǎtī âzâ 'bá yī 'ásī. Gólâ ĩcī íyī mvá yī dódó íyī rôlê kpá íyī ĩnjīlī gǎřă.

⁵ Ōzō ōjílâ âzâ ĩcâ 'bâ 'alé íyī ífífí kâ vó lâ ndrêlé kô rī, gólâ ícá kpá kô â'dólê drī-'bá ró ōjílâ Ôvârí kâ drī.

⁶ Drī-'bá ōjílâ Ôvârí kâ rī kâ ââ'dô drē ōjílâ gólâ tā Ôvârí kâ drī 'ē'á jó 'đīlī 'á lâ rī ĩ'dī kô, gólâ ōzó

â'dó ́arú-́arúwá 'bá ró, Ôvârí drí tã-vó lâ kílí, òzò gólâ drí tã-vó Sâtánã kê kîrî ́arú-́arúwá gólâkâ tãsí rî tí.

⁷ Dîi 'ásî ndrî rî, drî-'bá ôjílã Ôvârí kê rî kê ôrî rîrî dódó sî, tãlã ôjílã âzã 'bá yî â'dó 'bá kristô 'bá ró kê rî ùnî ró ìyî bê, gólâ rî'á ôjílã tãndí 'î, tãlã ôjílã òzò tã ányã átã gólâ rú, gô'dá gólâ â'dô 'dê'á bãfî Sâtánã drí cãlé gólâ drí rî 'á.

⁸ Gô'dá ã'dô tã ngá kãníşã kê vó lâ ndrê 'bá rî tãsí rî, gólîyî ôrî mãnísî, gólîyî ãã'dô ìnjî-ìnjî ró â'dô rîrî gólîyîkã rî 'ásî. Gólîyî ãã'dô ôdrá mvũ 'bá ró rî'á gólîyî cîlí kê. Gólîyî ã'dô ãrô-ãrô 'bá 'î lâfã tãsí kê.

⁹ Gólîyî òlê tã pîpîsîlí ãlô sî tã ìmbã gólâ tîbê Ôvârí drí â'dálé ãmã drí ngbãngbãno úlí Yésũ kê sî rî 'á.

¹⁰ Ólê ngá kãníşã kê vó lâ ndrê 'bá ndrêlé ndrêndrê dódó zîlí ngátã gólâ ôjílã tãndí 'î ngá kê yã rî. Ôzò 'dîi rî vósî, ùùjũ gólâ trá dódó cú ìtí tã ányã âzã ãkó rî, 'dîi gólâ 'î'dî ôjílã tãndí ró ãnî drí 'bãlé ngá kãníşã kê vó lâ ndrê 'bá ró.

¹¹ Ítí rî, ã'dô drî-'bá kãníşã kê rî ôkó lâ yî tãsí rî, gô'dá kpá ãndrê kãníşã kê rî tãsí rî, òlê gólîyî drí rîlí kpá dódó. Gólîyî drí rîlí tã ìnjî-ìnjî sî, gólîyî ãã'dô tã mbî 'ê 'bá ró. Gólîyî ôrî rî'á úlí ònjî átálé ôjílã rú kê. Gólîyî ôrî ôdrá mvũlí rôo kê.

¹² Ngá kãníşã kê vó lâ ndrê 'bá yî drí 'bãlé kpá ôkó bê cé ãlô. Gólîyî ôrî kpá 'dîyîmvã ìyîkã vó lâ ndrêlé kpá 'bã 'alé ìyîkã ndrêlé dódó.

¹³ Ôzò ngá kãníşã kê vó lâ ndrê 'bá 'dî 'bá yî ô'ê tã 'dî 'bá yî dódó rî, gô'dá ôjílã â'dô gólîyî ìnjî'á.

Gõ'dá gólīyī drī kpá rīzó tā gólīyī drī lēlé Yésū Krístō 'á pātī ró rī tā lâ âtalé òjílā drī fāfā sī.

14-15 Tímátīyā, òzō má òlē kpálé 'ē'á nīlí ání ndrēlé ngbāangbānō rī, gõ'dá òzō má òngā drē nīlí 'wāâ kō rī, wārāgā nô â'dô lätī gólā òjílā gólīyī 'bā 'alé Ôvârí kâ rī kâ drī rīzó lôsī Ôvârí kâ 'élé rī â'dá'á ní drī. Āmā òjílā Ôvârí gólā rī 'bá zāâ gbádú rī kâ ī'dī, gõ'dá rī 'bá tā mbī gólā rī tāsī rī âtīlī rī 'bá yī ī'dī.

16 Nī ârī drē, tā lāpī-lāpī ró gólā āmā òjílā 'bā 'bá â'dólé ngá ālō ró Ôvârí bê rī Yésū ī'dī. Yésū ī'dī ânī 'bá ūrú lésī tīlī 'bā 'bá òjílā mvá ró āmā drī tī 'bá ró rī.

Gólā kpá ī'dī Líndrī Tāndí Ôvârí kâ drī íngalé òdrā 'ásī â'dalé āmā drī tī 'bá ró rī.

Mālāyíkā â'dô kpá trá gólā bê līfī drī 'bá ró gólā drī.

Gõ'dá Ôvârí trō gólā trá ūrú 'alā vō kâ'dâ-kâ'dâ íyíkā rī 'á.

Gõ'dá gólā ī'dī āmā drī rī'á tā gólākā pēlé āngó āmbá nō 'bá yī 'ásī ndrī rī.

Gõ'dá gólā kpá ī'dī òjílā āzā 'bá yī drī tā lēlé 'á lâ āngó 'ásī ndrī pīpīsilī ālō sī rī.

4

Tā tā ímbā ányā tāsī rī

1-2 Tímátīyā, Líndrī Tāndí Ôvârí kâ â'dâ tā trá āmā drī tā mbī ró kí nī rī, ngbāangbānō rī, tā ímbā 'bá āzā 'bá yī â'dô tā lē'á tā ányā gólā líndrī ònjí drī â'dalé gólīyī drī rī 'á. Drīlīyī tā lēlé íyíkā Yésū 'á rī âyézo. Gõ'dá gólīyī nī bê tā 'dī kpálé

tā ányâ ró rî, gólīyî rî trá zââ tâ lélé 'á lâ. Gólīyî â'dô trá ôzō ôjílâ gólâ rú'ba lâ drí ârílí âđí âmé ôtójō 'bá kô rî kâtí. Nīngá sī rî, gólīyî kī nī rî, yī ââ'dô ôjílâ Yésū kâ, rī'á ôjílâ âzī âdólé ônjō sī.

³⁻⁴ Tā ĩmbâ gólīyíkâ rī'á nō, gólīyî lēé kô ôjílâ drí â'dólé ôkó bê. Gō'dá gólīyî âtâ kpá trá kī nī rî, â'dó kô tândí ró ôjílâ drí rīzō â'wá âzâ 'bá yī nyālé, tālâ Ôvârí ôzō 'bââ ômbâ ró ôjílâ 'dī 'bá yī bê. 'Dī 'dó ônjō 'î, tālâ ngá 'dī 'bá yī Ôvârí 'bâ nī fēlé gólīyî drí ngá nyānyā ró. Ôvârí ĩsū trá nōtí kī nī rî, gólīyî tâ lē 'bá trá pātī tã ĩmbâ-ĩmbâ mbî Yésū rî tāsī rî 'á rî yī drí âwô-ĩtí 'ezó yī drí ngá nyānyā ndrī 'dī 'bá yī tāsī. Má âtâ ĩ'dī nō, tālâ ngá ndrī Ôvârí drí 'bālé rî rī'á tândí ró, â'dó kô ngá gólâ Ôvârí drí âfēlé 'dī ôjílâ drí âkípálâ gālé.

⁵ Má âtâ nōtí, tālâ ĩtō vō 'á rî, Ôvârí 'bâ ngá âmbá nō 'bá yī bê ndrī rî, gólâ drí ndrēzō lâ rī'á tândí ró, â'dô ró ôjílâ drí. 'Dī 'ásī ndrī rî, ôjílâ ũñī ró bê kī nī rî, ngá ndrī 'dī 'bá yī, Ôvârí âfē nī âmâ drí. Mă ô'ê âwô-ĩtí âmbá Ôvârí drí tâ lâ tāsī.

⁶ Tīmátīyā, ôzō ní ôrī tâ má drí âtálé trá ní drí rî 'bá yī ĩmbálé ânī âdrúpī krístō 'bá ró rî yī drí rî, ââ'dô ânī â'dá'á rû ĩ'bū 'bá tândí Yésū Krístō kâ ró. Ôzō ní ô'ê tâ 'dī ĩtí rî, ní â'dô rī'á fāfâ úsúlí kôró tâ âtī-âtī gólâ âmákâ âmâ drí rī'á ĩmbálâ nō sī. Tã âtī-âtī nã rī'á tâ ĩmbâ tândí 'î ní drí tâ lēzō ndrī 'dó 'á lâ.

⁷ Gō'dá ní ârī í'dígówá ányâ 'dī 'bá yī kô. Gólīyî tâ ífí âkó. Gō'dá ní ùjū ânī ífífí 'bālé tâ 'élé gārã tâ gólīyî âyīkô lâ drí Ôvârí rî cīlí rī 'á.

⁸ Ní 'ê ĩtí, tālâ ôzō ôjílâ âzâ ũùjū íyī rú'ba

'bālē â'dólé mbârâkâ bê rî, áâ'dô gólâ rî pã'á kpá fínyáwá. Gõ'dá õjílã äzâ õrî zãã tã gólâ äyĩkõ lâ drí Ôvârí rî cĩlí rî 'elé ĩ'dĩ rî, áâ'dô gólâ rî pã'á lâvũlí kôrô. Má âtä ĩtí, tãlã rĩrĩ tãndí ãmákâ â'dô ãmã pã'á tã Ôvârí drí lélé ãmã drí 'elé ngbãângbânõ rî nĩlí gãrã, gõ'dá kpá ãmã 'bālē drĩ-'â ùsúlí õdrã ãmákâ vósĩ.

⁹ Ní ndrê drê, tã âtä-âtä tĩbê õjílã drí â'dózó mbĩ tã lélé 'á lâ rî ĩ'dĩ nõ,

¹⁰ Ôvârí gólâ rĩ 'bã zãã rî ĩ'dĩ ãmã drí ľĩfĩ 'bãzó drĩ lâ 'díyĩ pã 'bã õjílã ndrĩ tã gólâkã lē 'bã trá rĩ 'bã yĩ kã ró.

¹¹ Ní ĩmbã tã 'dĩ 'bã yĩ ndrĩ, gõ'dá ní 'bã tã lâ õjílã 'dĩ 'bã yĩ õ'ê ró.

¹² Tĩmátĩyã, ní 'bã â'dô-â'dô ánĩkã ã'dô lânjĩ-lãnĩ ró õjílã äzĩ ľĩfĩ, drĩ-ãcê ámákâ 'dĩ bê, õzõ ní ã'dô kpálé 'díyĩmvã ró rĩ. Kpã ĩtĩ rĩ, ní â'dã tã õjílã gólĩyĩ tã lē 'bã Ôvârí 'á rĩ 'bã yĩ drĩ, gólĩyĩ drĩ látĩ tĩbê drĩlĩyĩ 'ezó rĩlí tãndí ró rĩ nĩzó. Ní âtä úlí tãndí ĩ'dĩ gõ'dá ní 'ê tã mbĩmbĩ tãndí ró, ní lē õjílã, ní lē tã Ôvârí 'á pĩpĩsĩlí ãlô sĩ, ní â'dô pĩpĩsĩlí bê tãndí ró tã ndrĩ ní drĩ rĩ'á 'elã rĩ 'á. Ní â'dã ľĩfĩ õkó drĩ kô.

¹³ Tãlã má ägõó drê 'wãã ânĩ ngálã kô rĩ, má lē ní sõ fãfã tã lē 'bã yĩ 'á, ã'dô ró drĩlĩyĩ Ôvârí rĩ ĩnjĩzó. Ní â'dô njãã úlí Ôvârí kã pēlé äzĩ-äzĩ drĩ, õzõ õtĩrĩ ĩyĩ rũ ê'bé võ ãlô 'á rĩ, ní ĩmbã úlí 'dĩ 'bã yĩ tãndí ró.

¹⁴ Ní njã fãfã gólã Ôvârí drĩ âfēlé ní drĩ tã ĩmbázó cú ĩtĩ rĩ rú kô, ãmã drĩ-'bã kãñĩsã kã õtĩrĩ drĩ 'bãã ní drĩ rãtãã 'ezó ní drĩ rĩ. Ní ndrê tãndí

ró fāfā gólâ fêlé ní drí 'dī, ní 'è tã lâ tândí ró, tã lâ 'bã ní trá njāâ tã ìmbálé. Úlì gólâ Ôvârí drí âtalé òjílâ âzâ tì lâ sī ânì tāsī rī 'bã ní trá njāâ mbârākã bê tã ìmbálé.

¹⁵ Ní 'bã ânì pīpīsílì ãlô â'dólé â'dô-â'dô tândí sī âzì-âzì lãfálé, gō'dá kpá tã ìmbâ-ìmbâ tândí ìmbálé ì'dí. Òzō ní ò'è ìtí rī, òjílâ ndrī â'dô ndrē'á lâ kí, tã lèlè áníkâ rī'á mbã'á. Ní gō'dá rī'á tã nô 'bá yī 'è'á gārã sísì rī drī sī.

¹⁶ Tã ndrī 'dī 'bá yī 'ásī rī, ní mbã ní drī rīlì dódó gō'dá kpá tã ìmbâ-ìmbâ tândí ìmbálé ì'dí. Ní rī 'èlâ ìtí. Tãlâ ní ò'è ìtí rī, â'dô ânì ífífí pã'á òdrã áníkâ vósì, â'dô kpá òjílâ gólâ rī 'bá tã áníkâ ârílì rī pã'á.

5

¹⁻² Ní âtã tã mbì òjílâ gólīyī ârākã ró rī yī drí mánísì, òzō ní drí tã mbì â'dárè ânì átá drí rī tí, tãlâ gólīyī òrì ró bê tândí ró. Gō'dá ní â'dã tã mbì ì'dí kpá òkó gólīyī ârākã ró rī yī drí, òzō ní drí tã mbì â'dárè ânì ândrè drí rī tí, kpá gólīyī âgô mvá ró rī drí, òzō ânì âdrúpì drí rī kâtí, gō'dá kpá òkó mvá ró rī yī drí, òzō ânì ìzó yī drí rī kâtí. Òzō ní ââ'dô bí tã átã'á òkó drí rī, ní â'dã līfì drílīyì kô.

Tã ãyízì tāsì rì

³⁻⁴ Ânì ndrī, nī ndrè ãyízì gólīyī â'dó 'bá áró âkó rī 'bá yī vó lâ yī. Gō'dá òzō ãyízì rī 'dī â'dô mvá bê ngátá ózowá bê rī, áró gólâkâ 'dī 'bá yī â'dô gólâ rī vó ndrē'á nī. Gólīyī â'dô â'dó'á ngá ìzã lâ drí ìyì ândrè ngátá dèdè 'dī 'è 'bá rī 'èlé sísì drílâ, tãlâ ngá gólâ gólīyī ândrè 'dī drí 'èlé drílīyì drè âkpã gólīyī drí â'dózó drè fínyáwá rī

võ lâ 'á. 'Dĩĩ tã gólâ ãyĩkõ lâ drí Ôvârí rí cĩlí rí ã'dĩ.

⁵ Ôzõ ãyízí ã'dô áró ãkó pãtĩĩ rí, 'dĩĩ rí gólâ rí ãlĩĩ 'bãlé tótó Ôvârí drĩĩ. Gõ'dá gólâ drí rĩzó rãtãã 'èlé ãtú vósĩ cé Ôvârí drí íyĩ pãlé.

⁶ Gõ'dá ã'dô ãyízí gólâ rĩ 'bá cé ngá gólâ ãyĩkõ lâ drí gólâ rí cĩlí rí lèlé ã'dĩ rí, gólâ lèé tã gólâ ã'dó 'bá Ôvârí kã ró rí kô.

⁷ Tímátíyã, ní 'bã tã krístõ 'bá yĩ drí kĩ nĩ rí, gólĩyĩ õ'è tã 'dĩ ãtĩ dódó, tãlã óózó tã ányã átã gólĩyĩ rú.

⁸ Ôzõ õjĩlã ãzã õndrê 'bã 'álé íyĩ áró yĩ kã vó lâ kô tãndĩ ró rí, ngĩngĩ lâ íyĩ ãndrê yĩ ngátã íyĩ dèdè yĩ vó kô rí, 'dĩĩ kpá rĩ'á õzõ gólâ drí úlĩ Ôvârí kã áyèrè tí. Tã õnjĩ gólãkã rí lãvũ trá kôró õjĩlã gólâ tã lè 'bá Yésũ 'á kô rí kã drĩĩ sĩ.

⁹ ãyízí ãnĩ drí 'è'á rú lâ yĩ ãgĩlĩ pãlé ngã-ĩyĩnyã sĩ rí ãã'dô gólĩyĩ ndrô lâ yĩ drí lãvũlĩ trá nyã'dĩ-nã drĩĩ sĩ rí ã'dĩ, gõ'dá kpá ãyĩ 'bã ãgõ ãzã bê ágó lâ drĩĩ sĩ kô rí ã'dĩ.

¹⁰ Gõ'dá kpá gólâ rí rú drí rĩ'á ãkúlĩ tã 'è'è tãndĩ íyĩkã 'á rí ã'dĩ. Gólâ drí rĩzó õjĩlã pãlé kpálé lãñõ ãmbã gólĩyĩ 'è 'bã 'dĩ 'bã yĩ 'ásĩ rí, drĩlã 'dĩyĩmvã íyĩkã ãlĩĩ lâ ãcízó dódó. Gõ'dá gólâ kpá rĩ'á sĩ bê ãrí ró õjĩlã gólĩyĩ lãñõ bê rí drí, rĩ'á ngã nyãnyã fèlé gólĩyĩ drí 'wãã'wã. Gólâ drí ã'dólé ãtú vósĩ cé njãã tã tãndĩ 'èlé ã'dĩ õjĩlã Ôvârí kã drí.

¹¹⁻¹² Nĩ ãgĩ ãyízí gólĩyĩ õkó mvã ró 'dĩ 'bã yĩ rú lâ yĩ gólĩyĩ ní drí 'è'á pãlã rí lãfálé kô. Tãlã gólĩyĩ ãtĩ 'dĩ 'bã yĩ drê ãyĩ zãã ágó lówó bê 'èzó ágó ãzã trólé. ãtĩ rí, gólĩyĩ 'bã lãtrĩtrĩ trá yĩ tróó ágó ãzã kô, gõ'dá õzõ gólĩyĩ gõ'dá õtrõ ágó ãzã trá ó'dĩ rí,

gólīyī njā ÿyī lātrírítrí gólīyī drí 'bālé 'dī tā lâ trá, 'dī trá gō'dá tā ōnjí 'í, 'é ÿyī tā 'bā'bā ÿyíkā Yésū drí rī tā lâ kō.

¹³ Gō'dá ā'dô trá ítí rī, úgī gólīyī rú kō, gólīyī ōzó rī ÿyíkā gbō ítí tākó nī'á 'bā-tī kpā bē nī'á tī sōlé úlī ōjílā ká 'ásī. Gólīyī rī kpá nī'á lāmú bē úlī ūnúnúwá tā ngōngō bē 'bā-tī 'ásī ōjílā rú, 'dī rī ā'dó tā drílīyī 'élé rī ĩ'dī kō.

¹⁴ 'Dī rī tí rī, má ĩsū tā trá nōtí. Ẹyízí gólīyī 'bā 'bá ōkó mvá ró rī yī ōtrō ÿyī ágó ó'dí ūtī ró ÿyī mvá āzā ōndrē ró ÿyī 'bā 'alé ÿyíkā vó lâ bē tándí ró. Gólīyī ō'è cé tā ā'dó 'bá tándí rī ĩ'dī ōzó ānī rú ĩzāā.

¹⁵ Má ātā tā 'dī ítí 'dī, tālā Ẹyízí āzā 'bá yī rī'á, gólīyī njā Ôvārí rī tā trá gō'dá gólīyī cé ōzō Sātánā rī āzī-āzī kátí.

¹⁶ Ōzō ōjílā āzā tā lē 'bá Ôvārí 'á rī, ā'dô Ẹyízí bē ÿyī áró ró rī, gólā ōndrē vó lâ dódó, ōzó lāṅō 'dī áyē ōjílā kǎnǎsǎ ká drí rīzó Ẹyízí 'dī vó lâ ndrèlé cé nī kō. Gō'dá ōjílā kǎnǎsǎ ká ōrī ró cé Ẹyízí gólīyī 'bā 'bá ĩzā ró áró ākó ícá 'bá ÿyī vó ndrèlé kō rī 'bá yī vó lâ ndrèlé cé ĩ'dī.

Tā drī-'bá tāsī rī

¹⁷ Krístō 'bá yī āā'dô drī-'bá ÿyíkā rī ĩnǎ-ĩnǎ lâ bē tándí ró. Ẽmbá lâ, gólīyī ĩnǎ drī-'bá ÿyíkā tā Ôvārí ká pē 'bá ōjílā drí rī, gō'dá kpá gólīyī rī 'bá ícílā rī 'bá yī bē.

¹⁸ Nī ĩnǎ gólīyī ngá fēfē sī drílīyī, tālā tā ĩgī Ôvārí ká ātā trá kī nī rī, “Nī áyē kōrōnyā ānīkā 'bā ká rī 'bá yī ngá nyālé dódó, tālā gólīyī rī nī ānī pālé.” Gō'dá áātā kpá nōngá kī nī rī, ōjílā

gólâ lôsī 'ě 'bá rī tā lâ 'dé vūdrī kô drī-'â fězó drílâ.

19 Ōzō ōjílâ āzâ āâtâ úlī āzâ 'bá yī trá drī-'bá ōjílâ Ôvârí kâ rī kâ rī 'bá yī rú rī, nī lē tā-drī kô 'wāâ'wâ tā gólīyíkâ 'dī bê, té ōzō līfī drī 'bá ā'dô bê rī ngátá nâ tā ōnjí gólâkâ 'dī ndrē 'bá kī'á nī rī, gólâ 'ê trá pătī ró rī.

20 Ōzō drī-'bá āzâ ō'ê tā ōnjí trá pătī rī, nī â'dâ tā ōnjí gólâkâ 'dī gólâ drī ōjílâ gólīyī kănīsâ kâ ndrī 'dī 'bá yī ândrá, tâlâ ămbúkū lâ 'dī 'bá yī ōrô ró iyī tā bê tā ōnjí 'ězó iyī ífifī rú.

21 Nī â'dô tā 'ě'ê bê ítí ndrī drī-'bá kănīsâ kâ drī. Ōzō nī ō'ê tā 'dī 'bá yī trá ítí rī, nī âmbê līfī kô tā ōnjí ânī āzī-āzī drī-'bá ró rī kâ drī. Má lē ânī drī lâtrírí 'bălê Ôvârí ândrá gō'dá kpá Yésū Krístō bê gō'dá kpá mālāyíkâ Ôvârí kâ yī bê kī nī rī, nī 'ê tā má drī âtálé 'dī 'bá yī ítí drī-'bá tāsī.

22 Ōzō nī ōtírī 'ě'ê ōjílâ āzâ 'bălê drī-'bá kănīsâ kâ ró rī, nī ârī gólâ rī ūgúlī zâlô dīrī tā 'ě'ê gólâkâ nījô, â'dó kô gólâ rī 'bâzó cú ítí ōmvórē lâ nī âkó. Tâlâ ōzō nī ō'bâ ōjílâ tā ōnjí 'ě 'bá rī ĩ'dī drī-'bá ró ânī drī rī, nī pâ ítītī ngá lănjī-lănjī ítí 'dī 'bá yī nījô.

23-25 Má âtâ ĩ'dī ânī drī nō, nī 'bâ ōjílâ kô drī-'bá ânīkâ ró cú ítí ōmvórē lâ nī âkó tā ōnjí gólâkâ tāsī. Nī ndrē drē, ōjílâ āzâ 'bá yī rī iyīkâ rī'á tā ōnjí 'elē ĩ'dī, gō'dá āzī-āzī drī tā ōnjí gólīyíkâ 'dī nījô tō. Gō'dá ōjílâ āzâ 'bá yī bê rī, tā ōnjí gólīyíkâ rī'á 'elâ ĩnīnī ró rī, rī rú â'dá'á ĩzátú âtī 'á tólâ, kpá rī'á ítí ōjílâ āzâ 'bá yī tā tândí gólīyíkâ rī'á 'elâ rī únī tō. Gō'dá āzâ 'bá yī tā

tāndí gólīyíkā ícá kpá nīlā kô, â'dô rû â'dá'á kpá
 ătí 'á tólā.

Tímátīyā, nī rī'á 'â lăzé bê kárā. Nī rī cé ĩmvû
 mvŭlí ĩ'dī ngá lăzé ánikâ 'dī bê kô, ní ônjâ ôdrá
 dā lŭmvû bê ní drí mvŭlí, tălâ âlókô bê 'á lâ ání
 'â drí â'dízó.

6

Tā rû ĩ'bŭ 'bá tāsī

¹ Rû ĩ'bŭ 'bá gólīyī krístô 'bá ró rī yī ndrī ũnī
 ĩyī tā gólā kī'á nī rī, ĩyī lĭpĭ ró rī 'dó ĩyī drí ĩnjĭlĭ
 lătĭ ndrī 'ásī. Gólīyī ô'ê ĩtĭ, tălâ ôjĭlā ôzó úlĭ ányâ
 âtā Ôvârí rú kô, gô'dá kpá gólīyī ôzó rīlĭ tā âtalé
 tā âtĭ-âtĭ âmâ drí rī'á ĩmbálâ nō rú.

² Rû ĩ'bŭ 'bá gólīyī tĭbē lĭpĭ lâ yī drí 'bălē krístô
 'bá ró rī ôrô kpá gólīyī, tălâ gólīyī lĭpĭ 'dī rī'á
 gólīyī âdrŭpĭ Kŭmú Yésŭ 'á rī ĩ'dī. 'Dĭlĭ kâ rī tĭ rĭ,
 gólīyī â'dô ĩyī lĭpĭ yī pā'á gārā, tălâ gólīyī rī 'dĭ
 kpá rī'á tā lē 'bá ázĭ pā'á mbârākā gólīyíkā 'dĭ sĭ.

Tā tã ĩmbá 'bá ányâ tāsī

Má lē ní drí ôjĭlā ĩmbálē mbârākā sĭ tā 'dĭ 'bá
 yī 'êlé ndrī.

³ Tã gólā âmâ drí rī'á ĩmbálâ rī íyíkâ tā âtĭ-
 âtĭ tãndí Ôvârí kâ ĩ'dī, tā gólā âmâ 'bã 'bá rĭlĭ
 tãndí ró äyĭkô lâ drí Ôvârí rī cĭlĭ rī ĩ'dī. Ôzó ôjĭlā
 äzâ ĩĩmbâ íyíkâ tā âtĭ-âtĭ ngĭlĭ äzâ ĩ'dī âmákâ rú
 sĭ, gô'dá gólā ôlē tā té tā âtĭ-âtĭ tãndí mbĭ Yésŭ
 Krístô Kŭmú âmákâ ró rī tāsĭ rī 'á kô rī,

⁴ gólā áru-áruwá 'bá 'ĭ, gô'dá gólā ârí úlĭ Ôvârí
 kâ nō mbĭ kô. 'Dĭlĭ rī gô'dá, gólā lē íyíkâ rĭlĭ lâwã-
 lâwã 'bălē ĩ'dĭ ányâ ró tā ĩjĭ gólā tā ífĭ âkó rī 'á,

gõ'dá kpá lâwālé úlì ífí ãlô-ãlô 'á ìyî lâfálé 'ásì. Tālâ gólīyî ndrī 'alé lâ yî âdrā trá ìyî ãzì-ãzì yî rú, gólīyî rī kpá úlì ányâ âtalé ìyî ãzì-ãzì yî rú. Gólīyî rī tā ìsùlì kǐ nī rī, ìyî ãzì-ãzì yî ãâ'dô tā ìsù-ìsù ányâ bê. Gõ'dá gólīyî drí rīzô tā ányâ 'èlé ì'dì.

⁵ Gólīyî drí kpá rīzô ãzì-ãzì 'alé ìkólé, òngâ ró bê òmbā ró. Drī lâ ìyî ìzā rú trá kpá pǎtī ró. Gólīyî ìsì ìyî bì-'balé trá yī òzô tā ârī kô. Gõ'dá tā 'dì kâ rī tí rī, gólīyî ìsù bê-rī kǐ, ãâ'dô rī'á tǎndí ró ìyî drí lâfâ úsúzô òjílâ drīgá sī tā Ôvârí kâ rī tāsì.

⁶ Lǎtì gólâ ãmâ òjílâ drí tā tǎndí úsúzô rī fí ì'dì nō, rīrī tǎndí gólâ ãyīkō lâ drí Ôvârí rī cǐlì rī, gõ'dá kpá 'balé ãyīkō ró rīrī ãmákâ 'á, ngá gólâ fínyáwá ãmâ drí 'bázô ì'dì bê lâ rī 'bá yī bê ndrī.

⁷⁻⁸ Mǎ zīí tā lâ kô, ìcâ trá ãmâ drí, tǎlâ ãmâ cú ítá bê kpá ngá nyānyā bê, tǎlâ rīrī ãmákâ nō rī'á nōtí, kǎyî gólâ ãmâ tǐzô ãngó nō 'á rī, ã'dô 'ì ãmâ drīgá yǎ? Ngá yû. Gõ'dá mǎ òtírī drǎâ rī, mǎ ã'dô gõ'á kpá ngá ãkô ãmâ drīgá.

⁹ Ôzô ã'dô kpálé ìtí rī, òjílâ ãzâ 'bá yī lē ìyīkâ ìyî drí â'dólé ãrō-ãrō 'bá ró. Tālâ tā 'dì tāsì rī, gólīyî drí rīzô âvīlì 'wǎâ lǎtì gólâ mbì rī 'ásì rī'á tā ònjí 'èlé, gõ'dá kpá rī'á áyábálâ ngá lówó kâ ró. Tā nī ãkō sī, gólīyî rī ìyīkâ ãmbá lâ ngá ányâ tā ìsùlì ì'dì ìyî ífíí tāsì. Gólīyî ìzā rú trá ndrī.

¹⁰ Rī'á nōtí, ãrō-ãrō lôfí tā ònjí tì dūû, tǎlâ òjílâ òrī ãmbá lâ tā lâfâ kâ ìsùlì ì'dì rī, tā ònjí ãmbá nō 'bá yī drí â'dózô gólâ bê. Tā â'dalé ì'dì nō, ãrō-ãrô ã'dô òjílâ ãzâ 'bá yī âsé'á tā lēlē ìyīkâ Yésù 'á rī 'ásì, drīlīyî rīzô ìzâ kōkō 'balé â'delé ìyî drī.

Tā gólâ ãyĩkõ lâ drí Ôvârí rî cĩlĩ rĩ

¹¹ Ā'dô ánĩ tāsĩ rĩ Tīmátīyā, ní â'dô tā ākó 'ělé ngá ndrĩ gólĩyĩ â'dó 'bá anyâ ró 'dĩ 'bá yĩ bê, tãlâ nĩ rĩ'á òjĩlã gólâ 'dẽ 'bá trá Ôvârí vó rĩ ĩ'dĩ. Nĩ 'bã tā ĩsũ-ĩsũ ánĩkã ã'dô cé tā gólâ â'dó 'bá mbĩ Ôvârí drĩ lělé ní drĩ 'ělé rĩ drĩ. Nĩ lě tā gólâ 'á pĩpĩsĩlĩ ãlô sĩ, ní â'dô kpá òjĩlã ãzĩ lówó bê. Nĩ â'dô pĩpĩsĩlĩ ã'dĩ bê. Nĩ â'dô kpá fĩlĩ ãtũ-ãtũ bê kãyĩ gólâ ní drĩ lãŋõ úsúzó rĩ 'á.

¹² Nĩ âmbe lĩfĩ gã tā gólâ Ôvârí kã ní drĩ tā lězó 'á lâ nõ 'ězó ndrĩ mbârákã sĩ. Nĩ rĩ mbĩ â'dô tā lělé ánĩkã 'dĩ vó ró. Tã 'dĩ kã rĩ tí rĩ, ní drĩ nĩzó lâ pãtĩ kĩ nĩ rĩ, yĩ â'dô lédrẽ-lédrẽ ãdũkũ ākó rĩ úsú'á. Nĩ 'ě lósĩ Ôvârí drĩ mbârákã sĩ, tãlâ gólâ zĩ nĩ trá â'dólé lédrẽ-lédrẽ ãdũkũ ākó nõ úsúlĩ. Nĩ 'bã tā nõ ní drĩ. Ākũ ró rĩ, ní iyã tā kpá trá òjĩlã âmbe ágálé kĩ nĩ rĩ, yĩ lě tā trá tā âtĩ-âtĩ tãndĩ Ôvârí kã nõ 'á, yĩ â'dô â'dó'á tā rōrō bê tā lâ sĩ. Tã 'dĩ kã rĩ tí rĩ, ní âdrẽ gágã tā lělé ánĩkã 'á.

¹³⁻¹⁴ Mã 'bã trá ní drĩ nōtĩ lãtrĩtrĩ sĩ Ôvârí ândrá, Ôvârí gólâ tĩbê lówó-lówó âfẽ 'bá ngá lédrẽ-lédrẽ drĩ ndrĩ rĩ, gō'dá kpá Yésũ Kristõ ândrá gólâ rĩ 'bá úlĩ âtalé fĩlĩ ĩdũ-ĩdũ sĩ kúmú Põnĩtĩyõ Pĩlátõ drĩ rĩ. Nĩ â'dã tā 'dĩ kpá òzõ Yésũ drĩ 'ěrẽ lâ tí. Nĩ 'ě tā 'dĩ 'bá yĩ ndrĩ ĩtĩ ākĩ ākó, té bũũ Yésũ drĩ ágõrẽ tú rĩ, tãlâ òzó tá 'ě'ẽ ãzã úsú ní rú kô.

¹⁵ Ôvârí ĩ'dĩ tĩbê 'ě 'bá Yésũ rĩ â'dalé âmã drĩ Kúmú ãngĩ ró kãyĩ tãndĩ nã 'á rĩ. Gólâ ĩ'dĩ tĩbê âmã drĩ rĩ'á lũyĩlã rĩ. Gólâ ĩ'dĩ Kúmú 'ĩ ãngó drĩ ndrĩ, kúmú ãzã yũ'dãwã ĩ'bĩlĩ gólâ bê.

16 Gólâ cé ĩ'dî rĩ 'bá zãâ gbádú drã ãkó rí.
 Vō gólâ Ôvârí drí rĩzó rĩ rĩ'á lậgû-lậgû ró rồô,
 ồjĩlã äzâ yù'dạwạ ndrêlã iyĩ lịfị sĩ.
 Gólâ rĩ rú ã'dô lủyỉ-lủyỉ ró kára.
 Kậyỉ vósĩ cé, gólâ rĩ'á mbârākã äkĩ bê ặđũkũ äkó.
 Ää'dô ĩtĩ.

Tã ätã-ätã ngá-tỉ ämbá 'bá tãsí rĩ

17 Nĩ 'bã tã ồjĩlã gólĩyỉ ä'dó 'bá ngá-tỉ bê dũũ ängó 'á nõngá nõ 'bá yỉ drĩ ngbãângbãnõ kĩ nĩ rĩ, gólĩyỉ õ'bã iyỉ ífifi gặặ äzĩ-äzĩ drĩ sĩ kô. Gólĩyỉ õlẽ tã kô rồô ngá-tỉ ämbá iyĩkã 'dĩ 'á. Ngá-tỉ ämbá 'dĩ ä'dô gólĩyỉ pã'á cé äkpã ängó 'á nõngá, tãlã ồjĩlã ngá-tỉ ämbá bê rĩ nũĩ kô kĩ nĩ rĩ, yỉ ä'dô njã'á ngá iyĩkã 'dĩ 'bá yỉ bê bũũũ ängô tú yã rĩ. Ä'dô ä'dó'á cé Ôvârí ĩ'dĩ gólĩyỉ drĩ tã lếzó 'á lâ, tãlã gólâ ĩ'dĩ ngá ndrĩ gólâ ämã 'bã 'bá äyĩkõ bê rĩ äfê 'bá ämã drĩ rĩ.

18 Gólâ äfê ngá ồjĩlã ngá-tỉ ämbá bê rĩ drĩ, tãlã gólĩyỉ õ'ê ró bê tã tãndĩ äzĩ-äzĩ drĩ ngá 'dĩ 'bá yỉ sĩ, rĩlĩ njãã ngá fêlê ồjĩlã drĩ, gólĩyỉ ämũ ngá gólĩyỉ drĩ 'bãzó ĩ'dĩ bê lâ rĩ äzĩ-äzĩ bê ngá lõvó äkó.

19 Tãlã ngá fêfê gólĩyĩkã 'dĩ tãsí rĩ, gólĩyỉ ä'dô tã tãndĩ ämbá ê'bé'á iyỉ ífifi drĩ ặặ 'älã tólã ùrũ 'älã. Gólĩyỉ õ'ê ĩtĩ, tãlã gólĩyỉ ùũsũ ró lếdrẽ-lếdrẽ pặặ-pặặ ró rĩ bê ặđũkũ äkó.

Tã tã ätĩ-ätĩ Ôvârí kã ämô-ämô lâ tãsí

20 Tĩmátĩyã, nĩ ämô tã Ôvârí drĩ 'bãlê nĩ drĩgá 'dĩ gặặ. Nĩ fĩ tã ätã-ätã änyã äzã 'bá yỉ 'á kô õzó äní äsé Ôvârí rũ sĩ. Tã ìmbã-ìmbã änyã äzã bê rĩ'á zịlã lịfị lõmbã. Ä'dó kô pặặ. Gõ'dá lếê tã-drĩ kô tã Ôvârí kã bê. Nĩ ärĩ tã lâ kó kô.

21 Má âta tâ 'dî ĩtí, tâlâ õjílã gólĳyĳ tâ âta 'bá
kĳ'á nĳ rĳ, yĳ ã'dô ĳĳĳ ĳõmbâ bê rĳ âdrê ĳyĳ trá tâ
lĳlĳ gólâ ndrĳ âmâ drĳ tâ lĳzó 'á lâ nõ 'ásĳ.

Ôvârí õfĳ õrĳ ní drĳ. ĳ'dĳ 'dĳ.

Tã-drĩ Lěľě Ó'dí Óvârí Kâ

Avokaya: Tã-drĩ Lěľě Ó'dí Óvârí Kâ New Testament

copyright © 2002 Wycliffe Bible Translators, Inc.

Language: (Avokaya)

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source files dated 26 Apr 2025

87931ba7-0e83-5f4d-bd6e-8c45876fc354